

Uunga siunnersuut: Umiarsualivimmiinnermut akileraarutit pillugit Inatsisartut inatsisaata allanngortinnera pillugu Inatsisartut inatsisissaannut siunnersuut
(Aningaasaqarnermut Akileraartarnermullu Naalakkersuisoq)

Akissuteqaat

(Aningaasaqarnermut Akileraartarnermullu Naalakkersuisoq)

Pingajussaaneerinninneq

Siunnersuut aappassaaneernejarnermi tapersorsorluarneqarpoq.

Aappassaaneerinninnermi oqaatigineqartut Aningaasaqarnermut Akileraartarnermullu Ataatsimiititaliap kaammattuineratigut, siunissami akitsuutip annertussusaanik nalimmassaasarnissamut qularnaarisumik Naalakkersuisut allannguutissatut siunnersuummik saqqummiussipput.

Tamatuma saniatigut inatsisip atuutilerfissaa ulloq 1. januar 2024-mit ulloq 1. december 2023-mut qaammammik ataatsimik siuartinneqassasoq Naalakkersuisut siunnersuutigaat, taamaattoq akileraarutininut akiligassanullu akiliisitsinerit sulii aatsaat ulloq 1. januar 2024 atuutilissapput. Siuartitsinikkut ulloq 1. December 2023 umiarsualivinnut umiarsuarnilu takornariartaatini ilaasut akiliutaannut nalunaarummik nutartikkamik atulersitsisinnaaneq pisinnaanngortinneqarpoq.

Naalakkersuisut pingajussaaneerinninnermi allannguutissatut siunnersuutit akuerineqarnissaat inassutigaa, taakkunanngalu akuersinerup kingorna siunnersuut allannguutitalik inaarutaasumik akuersissutigineqartussatut inassutigalugu.